

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 9. Urbanus a Carolo Dyrrachio custodiæ datur.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

§. IX.

*Urbanus Papa a Carolo Dyrrachio
custodiæ datur.*

Attamen hæc Caroli Dyrrachii obsequia non tam Pontificem libralius colendi, quam in suos casses tutius trahendi animo, exhibita fuisse constat; Carolus enim Urbano vix urbem ingresso, portas omnes claudi jussit, & eundem sole ad occasum vergente in palatum suum invitavit, quem sui primo venire cunctantem, postea etiam omni modo obnitentem adhibita vi abripiunt, spreto ejus anathemate, quo publice in via raptore suos perculit. Quinque dies detinebatur, suis quæ facta ferret, plane ignorantibus; Pontificem tamen conditiones, quas antea, ut in fiduciariam possessionem induceret, Carolus inierat, denuo remittere vi coactum fuisse verosimile est. Neque tamen ideo liberum dimisit, sed Aversa Neapolin raptum ipfus ante urbis portas excepit, re-

gio habitu indutus, corona capiti im-
posita, dextera Sceptrum, & sinistra
Pomum aureum gestans, inque folio
satis elevato sedens, nec surgere di-
gnatus, donec Urbanus ad imam
Throni partem appropinquasset. Tunc
tandem Rex descendit, & Papam
dato pedum osculo ipsius in urbem
deduxit, licet solemnem ingressum
eidem negaret, nec ad Archiepisco-
pale Palatum, in quo habitare maluis-
set, sed ad castellum novum deduci
jussit, ubi singulis ad eum venientibus
liber quidem concedebatur accessus,
sub fideli custodia tamen detentus
erat, donec tandem decimo quinto,
vel sexto die, Cardinalium opera, i-
nita inter eos concordia esset, hoc
tamen pačto, ut Pontifex administra-
tioni Regni nequaquam sese immisce-
ret; Carolus vero Urbani Nepotem
crearet Capuae Principem.

Niem. de
schism. c. 33.

Nec diu tamen Urbani familia
hoc Principatu decorata floruit. Post-
quam enim ejus Nepos, non modo
nullis suffragantibus meritis clarus,
sed insuper effraeni morum licentia
defor-

deformis, Monialem quamdam ordinis S. Claræ in monasterio S. Salvatoris constuprasset, Rex indignitate facti denuo ira commotus est in Pontificem, qui impudici sui Nepotis causam nimio studio tuebatur. Urbanus, contra pacti fidem, supremam in Regnum Neapolitanum potestatem sibi competere, nec Carolum, se præsente, in Regni Proceres capitali sententia animadvertere posse, pronuntiabat. Nihilominus hæc e- *Idem c. 40.*
 tiā dissidia fuere composita. Rex quoque Neapolitanus Nepoti sacrilegii hujus noxam remisit, eidemque Nuceriam urbem in regno Neapolis sitam, vulgo *Lucera dellí Pagani* diētam, una cum septuaginta florenorum millibus donavit. Ad eandem urbem Pontifex quibusdam suorum stipatus secessit, hyberna acturus; memor tamen injuriæ sibi a Carolo illatæ, quam Neapolitanorum auxilio fretus, vindicandi, eumque Regno exuendi occasionem aucupabatur; quapropter non multo post contentio recruduit.

f 4 Quippe

*Spond. an.
1384. §. 6.*

Quippe Carolus Neapoli redux, debitam reverentiam Urbano exhibere negligens, misit ad eum Oratores, qui rogarent, ut quantocius Neapolin reverteretur, eo quod multa essent gravioris momenti, quæ cum ipso conferret. Hujus arrogantia commotus Pontifex respondit: Reges ac Principes Christianos consueisse ad pedes Pontificum venire, non hos ad illos, si autem se amicum habere vellet, tot gravia vectigalia, quibus Regnum Romanæ Ecclesiæ fiduciarium opprimit, abrogaret. Carolus hoc responso magis adhuc efferatus, publice contestabatur internum animi sui propositum, quo Urbanum aperto odio persequi statuerat. Præprimis non nullæ in vulgus spargebantur quæstiones, quarum altera hujus erat tenoris: „Utrum liceat Curatores dare, vel omnino castigare, deponere, & ejus loco alium eligere Pontificem, si is vel nimium negligenter, vel plus justo obstinatus sine Cardinalium consilio cum præjudicio Ecclesiæ cuncta

cta

„cta ad arbitrium suum disponeret. „
 Cardinalis Reatinus, nomine Petrus *Niem.lib.1.*
 Tartaro Montis Cassini Abbas, & Re-^{c. 42.}
 gni Neapolitani Cancellarius hasce
 quæstiones numero duodecim publi-
 ci juris fecit, & affirmativam tenuit,
 tantisque firmavit rationibus, ut at-
 tentam mererentur reflexionem; plu-
 resque celebriores Theologiæ ac
 Juris Doctores impellerentur, ut ejus-
 modi quæstiones agitarent, & juxta
 illius sententiam resolverent.

§. X.

*Urbanus sex Cardinales custodice man-
 cipat, & severius castigat.*

Urbanus, hanc conjurationem per
 Cardinalem de Manupello ex Ur-
 finorum familia, edoctus, confisto-
 rium coegit, periculum sibi imminens
 expositurus; quo finito sex Cardina-
 les, quos cum ingenii præstantiores
 essent, flagitiis magis complices suspi-
 cabatur, comprehendendi, vinculis onu-
 stos ergastulis includi, & iteratis tor-
 mentis subjici jussit. Horum pri-

f 5 mus,